

BOSHLANG`ICH SINFLARDA SINFDAN TASHQARI ISHLARNI TASHKIL ETISHNING ZAMONAVIY TAMOYILLARI

Marjan Smatillayevna Janbayeva

Chirchiq davlat pedagogika instituti magistranti

Ilmiy rahbar:

Samaridin Barakayevich Qorayev

Chirchiq davlat pedagogika instituti dotsenti

O'zbekiston Respublikasi

Annotatsiya: Ushbu maqolada umumiy o'rta ta'lim maktablarining boshlang'ich sinf o'quvchilarining sinfdan tashqari ishlarni tashkil etishning yangi pedagogik tamoyillari ko'rib chiqilgan.

Kalit so'zlar: pedagogik mahorat, tajriba sinov, mustaqil ta'lim, o'qish sifati, ta'lim metodlari, yangi yondoshuv.

MODERN PRINCIPLES OF ORGANIZATION OF EXTRACURRICULAR ACTIVITIES IN PRIMARY SCHOOLS

Marjan Smatillayevna Janbayeva

Master of Chirchik State Pedagogical Institute

Scientific advisor:

Samaridin Barakayevich Qoraev

Associate Professor of Chirchik State Pedagogical Institute

Republic of Uzbekistan

Annotation: This article discusses new pedagogical principles for the organization of extracurricular activities for primary school students in general secondary schools.

Keywords: *pedagogical skills, experimental testing, independent learning, quality of teaching, teaching methods, new approach.*

Sinfdan va maktabdan tashqari tarbiyaviy ishlar kontsepsiyasida tarbiyaviy tadbirlarni takomillashtirish zaruriyati, alohida ta`kidlangan: siyosiy tuzumiing o'zgarganligi, yangicha iqtisodiy munosabatlarning shakllanib borishi, tarbiyaviy ishni yaxshilashda davr talabiga javob beradigan yangicha tamoyillari g'oyalar, ish uslubiyatlarini ishlab chiqish hamda o'qituvchining ijodkorlik faoliyatinn qaytadan qurmoq lozimdir.

Tarbiyachining navbatdagi vazifasi bolalar jamoasini tashkil qilish, tarbiyalash va jipslashtirish borasidagi nazariy bilimlarni o'zlashtirib, ilg'or tajribalarga suyanib o'quvchilarni tarbiyaviy jarayonda o'rtoqlik-do'stlik, o'zaro hamkorlik, hamjihatlik, o'z-o'zini tarbiyalash va boshqarish kabi jamoatchilik sifatlarini tarbiyalash mahoratini o'zlashtirishdan iborat. Ular:

- sinfnig boshlang'ich jamoasini tarbiyalash va ularda o'zaro munosabat aloqalarini yaratish.

- o'quvchilar kundalik faoliyatlarining hamma qirralarida jamoaga jipslashtirish.

- shaxsiy manfaatdan jamoa manfaatini yuqori qo'yishga o'rgatish.

- jamoada bir-biriga mehr-oqibatli, muruvvat va sahiylik, do'stona hamkorlik mavjud bo'lsa, u katta tarbiyaviy kuchga aylanadi.

Kichik yoshdagi maktab o'quvchilar jamoalari tashkil qilishda o'qituvchidai turli-tuman usul va vositalardan mahorat bilan foydalanish talab qilinadi:

- 1.O'qituvchi jamoa a`zolarini yangi sharoitga (maktabning I sinfidan boshlab) moslashuv davrida ularga ishonch, xurmat, xushmuomalalik, talablarni to'g'ri qo'ya bilish shu bilan birga o'quvchini tushunish va eshita bilish mahoratiga ega bulish talab etiladi;

- 2.O'quvchilar jamoasidagi etaklovchi kuch tayanch o'zagini tanlash;

3. Jamoa a`zolarining har birining kuchiga, qobiliyatiga qarab topshiriqlar berish;

4. Jamoada yangi an`ana, qonun-qoidalarni dastlabki kurtagini yaratish va unga amal qilish;

5. Jamoa istiqbolini davr talabi bilan moslashgan holda belgilash talab qilinadi.

Sinfdan va maktabdan tashqari ishlarning tarbiyaviy ta`siri ko`p darajada o`quv jarayonini tashkil etish saviyasiga hamda o`quvchilar jamoasining xilma-xil ishlarni qanday yo`lga qo`yishlariga bog`liqdir. Sinfdan tashqari faoliyat majburiy dastur bilan chegaralanmaydi, balki yoshlar har xil o`quvchilarni ixtiyoriy ravishda birlashtiradi. Ularning tashabbusi asosida ishlarni amalga oshiradi, fanga qiziqtiradi, ularni xalqning madaniy hayoti muhitiga olib keladi. Sinfdan tashqari ishlar shaxsdagi ijtimoiy faollik, ijtimoiy ong hamda axloqiy odatlarni tarkib toptirishning eng muhim omilidir.

Tarbiya jarayonining mazmuni bolalarga beriladigan ma`naviy axloqiy bilimlar tizimi, ishonch, e`tiqod, intizom, xulq-atvorni bir butun holatini tashkil etadi. Mustaqil O`zbekistoning, istiqbol va istiqboli uchun fidoiylik ko`rsatuvchi avlodni tarbiyalash mazmuni tamoman o`zgacha xarakter kasb etmoqda:

- fuqarolik demokratik jamiyatni barpo etish mohiyatini anglab oluvchi;
- vatanini har doim turli oqimlardan himoya etuvchi;
- diniy bag`rikenglik va mehr-muravvatli bo`lish;
- davlat siyosatini tushunish unga fidoiy bo`lish;
- o`zligini anglash, ajdodlar merosini qadrlash;
- yuqoridagi komil insonga xos sifatlarni tarbiyalashda;
- maqsadni aniqligi va uni to`g`ri yo`naltirish madaniyati;
- tarbiyachi-o`qituvchi va tarbiyalanuvchini hamkorlik faoliyati;
- o`zini anglash, mustaqil fikrlovchi e`tiqodligi va ixtiyorlik.

Maktabgacha ta'lim muassasa tarbiyachilarini tarbiyachilik faoliyati va uni amalga oshirish metodikasini «Uchinchi ming yillikning bolasi» qo'llanmasidan foydalanishni tavsiya etamiz.

Tarbiyaviy ishlarning mazmunida bir butun yondashishdan bosh maqsad, "Milliy istiqlol g'oyasi: asosiy tushuncha va tamoiylari dasturi" dagi g'oyalarni bolalarning ongida o'ziga xos va mos ravishda singdiradi.

- Xalqimizning boy ma'naviy, an'ana, udum, urf-odatlar va ajdodlarimiz merosidan foydalanish.

- O'zbekiston Respublikasi Konstitutsiyasi, adolat, haqiqat va erkinlikni, ishonch-e'tiqodni tarbiyalash.- YUrt tinchligi, Vatan ravnaqi, xalq farovonligi mohiyatini izohlash.

- Mehrli-muruvvatli va bag'ri kenglik.

Ayniqsa bog'cha va kichik maktab yoshidagi o'quvchilarning ta'limiy-tarbiyaviy faoliyatlari o'ziga xos xususiyatga ega: o'quvchilarda hayotiy tajribalarning kamligi, o'quv-tarbiya jarayonida hodisalarga qiziqish, «yaxshi», «yomon» harakatlarga chuqur munosabat bildirsa olmasligi kabilar.

Boshlang'ich sinf o'quvchilarining dars va darsdan tashqari tarbiyaviy faoliyatini rejalashtirish o'ziga xos qoidalarga egadir:

- Har bir sinf jamoasining tarbiyalangan darajasini o'rganish.
- O'quvchilarning oilavny hayoti, ota-onaning farzand tarbiyalashdagi burchi va vazifasini qanday his etishi.
- Kundalik o'zgarishlarga o'quvchilarning munosabati.
- O'quvchilarning sharqona milliy urf-odat, an'analar haqidagi bilim darajasi.
- Qomusiy ma'rifatparvar, mutafakkirlar hamda hozirgi zamon shoir, yozuvchilarning ijodiyotidan namuna bilishlari. Mazkur qoidalar bog'chada sodda holda qo'llaniladi.

Yuqoridagilarni aniqlashda suhbat, anketa usullaridan foydalanish o'rinlidir. SHundagina har bir o'qituvchi-tarbiyachilarning betakror, bir-biriga

o'xshamagan tarbiyaviy tadbir rejaları bunyodga keladi. Bunday rejalar tarbiyaviy ta'sirga ega bo'lib maqsadga erishtira oladi.

Tarbiyaviy ishlarni rejalashtirishning asosiy omillari:

- Vatanga muhabbat va insonparvarlik.
- Milliy istiqlol mafkurasini shakllantirish.
- Ma'naviy tarbiya (axloq va odob).
- Iqtisodiy tarbiya.
- Ekologik tarbiya.
- Go'zallik tarbiyasi.
- Jismoniy barkamollik (sog'lom avlod uchun).
- Ota-onalar bilan ishlash.

Yuqoridagi omillarni rejalashtirishda tanlanadigan mavzular quyidagi talablarga javob berishi kerak.

- Tarbiyaviy tadbirlar rejasi va undagi mavzular davr talabiga javob berishi.
- Tanlangan mavzular milshy va umuminsoniy qadriyatlar qamrovida bo'lishi.

- Tarbiyaviy tadbirlar uzviylik qoidasiga amal qilgan bo'lishi.
- Mavzular o'quvchilarning yoshi va bilim saviyasiga mos bo'lishi.

Tarbiyaviy tadbirlarni rejalashtirishda «Milliy istiqlol g'oyasi: asosiy tushuncha va tamoiyllari» dasturi. O'zbekiston Respublikasi «Kamolot ijtimoiy harakati» dasturi mos qilib olindi. Quyidagi keltirilgan reja tahminiy bo'lib, o'z shart-sharoitingizga qarab ijodiy o'zgarishlar kiritish mumkin.

Tarbiyaviy tadbirlar rejalaridan namunalar

Dastlabki rejaga O'zbekiston Respublikasi Xalq Ta'limi Vazirligi «Madaniy merosga - ixlos» yuzasidan tuzilgan Nizom asos qilib olindi, u quyidagi mazmunga ega:

1. Vatan g'ururi – kamolot mulkining asosi (I-II sinflar uchun).

a) tug'ilgan uy, ko'cha, shahar va o'lklarining tarixi.

- b) bir bolaga etti qo'shni ota-ona ekanligi.
- v) atrof tabiatidagi o'simliklarning nomi va uni muhofaza qilish.
- g) o'lka tarixiga oid (tarixiy, obidalar, kimlar yashagan, iqtisodiy boyligi, san'ati va kelajak rejalar) ma'lumotlar.

e) kindik qoni to'kilgan joyning tuprog'i aziz hissini singdirish.

2. *Turmush madaniyati*

- a) sharqona oila.
- b) ota-ona mehri, ularning borligidan fahrlanish.
- v) oilada sharqona urf-odatlar, an'analar qonun va qoilalarga amal qilish.
- g) qariyalar tarixini o'rganish, ularning yaxshi fazilatlarini bilan chuqurlashish va g'amxo'rlik qilish.
- d) turmush va bozor iqtisodiga sharqona munosabat uyg'otish.

e) jismoniy barkamollik va sport.

3. *O'zbek tilining softligi – xalq iftixori*

a) har bir millatni ona tili va unga mehrlil milliy g'ururini gul tojisi ekanligi (xalqning maqol, rivoyat, hikoyatlaridan foydalanish).

b) o'zbek tilning tarixi, rivoji.

v) o'zbek tilining istiqboli.

g) «Til bilgani elni biladi» (dunyo tillarining mohiyati haqida).

d) millatlararo totuvlik.

4. *O'zbek milliy urf odat, rasm-rusumlar va marosimlar*

a) oilaviy urf-odatlar.

b) rasm-rusmlar va ularning tarixi.

v) marosimlar ularning turlari, tarixi va mazmuni.

III-IV-sinf o'quvchilari uchun Vatan g'ururi kamolot mulkini asosi:

a) O'zbekiston hududi va uning tarixi haqida ma'lumot.

b) O'zbekiston o'tmishdagi podshox va xonlar, ulardagi sifatlar.

v) O'zbekiston tabiati, hayvonoti va o'simlik olami.

g) o'tmish va mustaqil O'zbekiston.

d) butun dunyo o'zbeklari nima bilan faxrlanishlari.

e) O'zbekiston madhiyasida milliy g'urur.

Turmush madaniyati:

a) oilaning iqtisodi ildizi, uni boshqarishda oila a'zolarining hamjihatligi.

Byudjet taqsimoti.

b) oilaviy an'analar va unga nisbatan sadoqat hissi.

v) oilaviy marosimlar. Oilaning har bir a'zosining o'rni va burchi.

g) oila istiqboliga hiyonat qilmaslik.

d) oila a'zolarining burchi.

e) zamonaviy oilaning shakli, ma'naviy go'zalligi. SHarqona oila jihozi.

Sog'lom tan. Sport xonadon ko'rki.

O'zbek tili sofligi xalq iftixori:

a) tilning tarixini o'rganish. Dastlabki turkiy tilda yozilgan asarlarni o'rganish (Mahmud Qoshg'ariy, Alisher Navoiy).

b) tilshunos olimlar bilan uchrashuv.

v) sof o'zbek tili sirlari, til o'rganish haqida donolar hikmatlari.

g) SHarqona o'qishning ohangdorligi haqida ma'lumot berish.

d) SHarqshunoslik va til-adabiyotlar ilm maskanlariga tashrif buyurish.

Milliy urf-odatlar, rasm-rusmlar va marosimlar:

a) milliy urf-odatlar kelib chiqish tarixi, unga amal qilishning ijobiy tomonlari.

b) xalq folklor va yodgorliklarida rasm-rusum, irim-sirimlarni asoslab berilishi.

v) turli millat xalqlarining urf-odatlar va ularga munosabat.

g) ajdodlarimizning kiyinishi, yurish-turishiga o'zbekona munosabat bildirish. Hozirgi zamon talablari-chi? To'g'rimi?

San'at va madaniyati me'morchiligi:

a) san'atning sharqona ko'rinishlari. Ajdodlarimiz san'ati tarixi.

b) san'at ustalari (o'tmish va hozir).

v) san`at maskanlari va uning turlari. san`atga munosabat.

d) milliy san`atning kelajagi.

e) me`morchilik tarixi. Madaniy me`morchilik koshonalariga sayohat va uni o`rganish.

yo) qo`li gul ustoz va shogirdlar hayoti va kelajagi.

z) me`morchilik ko`rinishlari (tanlab o`rganish).

Bobolardan bolalarga nasihat va pandlar:

a) o`zbek xalqining qadimiy yodgorliklari.

b) A.YAssaviy, Bahovuddin Naqshbandiy, G`azzoliy, Haziniylar ijodiyotida odob-axloq masalalari.

v) o`zbek shoiralarining pandlari. Zebiniso, Zavqiy, Nodira, Anbar Otin..

g) Zamonaviy shoir va shoiralar. Uchrashuv va kechalar tashkil qilish.

Ularning ijodiyotiga tashabbus qilishga undash.

O`zbekona insoniy, yuksak axloqiy sifatlar

a) allomalarning o`g`il va qizlarga aytgan nasihatlari.

b) qizlik iffati, hayosi, g`ururi.

v) oila va jamoat mehnatiga to`g`ri munosabatda bo`lish.

g) inson go`zalligini anglatuvchi belgilar.

Xulosa: Sinfdan va maktabdan tashqari tarbiyaviy ishlar o`quv-chilarning qiziqishi, istaklari, xohish va ehtiyojlariga suyangan holda, ularning darsdan bo`sh vaqtlarida o`quv-tarbiya jarayonini to`ldiradi. U o`quvchilarning ijodiy qobiliyatlarini, tashabbus-korligini oshirishga imkoniyat yaratadi. Sinfdan tashqari ishlarning o`ziga xosligi shundaki, to`garak, klub dasturlarining rang-barangligi, ular mazmunidagi yangiliklar o`smir yigit-qizlarning shaxs sifatida shakllanishlari uchun yangi imkoniyatlar yaratadi.

Tarbiya, jamiyatdagi hodisa sifatida, o`sib kelayotgan avlodning jamiyat hayotida, turmushi, ijtimoiy ishlab chiqarish faoliyati, ijodi va ma`naviyligida ishtirok etishi murakkab qarama-qarshi ijtimoiy-tarixiy jarayon hisoblanadi. Ularning odam bo`lishlari, rivojlanishlari va individualliklari, jamiyatning ishlab

chiqarish kuchlari muhim elementlari, shaxsiy baxtlarini yaratuvchilari bo'lib ishtirok etadi. U ijtimoiy taraqqiyot va avlodlar ketma-ketligini ta'minlaydi.

Maktabda va sinfdan tashqari ishlar jarayonida o'quvchi-larning bir-biriga hurmati, axloqiy sifatlari jamoa orasida shakllanib boradi. Bunda o'quvchilarning bir-biriga bo'lgan muomala madaniyati ham shakllanadi. O'quvchi o'qituvchiga taqlid asosida yoki do'stlari orasida o'rgangan tarbiyasi muomilasiga ta'sir qilishi mumkin. O'qituvchi o'quvchilar orasida muomala madaniyatini shakllantirish uchun avvalambor o'quvchining o'ziga bo'lgan muomalasini, e'tiborini o'rganishi kerak.

Sinfdan va maktabdan tashqari tashkil qilingan ishlar o'quvchilar hayotidagi tarbiyaviy faoliyatni to'ldiradi. Ularning dunyoqarashi to'g'ri shakllanishiga va axloqiy kamol topishiga ko'maklashadi. Nazariy bilimlarni amaliyot ishlab chiqarishi bilan bog'lanishga zamin yaratadi.

III –Bob. Tajriba-sinov ishlarining mazmuni va o'tkazish metodikasi.

Sinf rahbari tomonidan o'tkaziladigan sinfdan tashqari tarbiyaviy tadbirlarga sinf tarbiyaviy soatlari ham kiritiladi, (yil davomida 30-34 soat dars jadvaliga kiritiladi), u soddalashtirilgan, barcha sinflar uchun qulay quyidagi andozaga tushirilishi mumkin. Avvalgi adabiyotlarda berilgan rejalashtirish chizmasiga "Bajarilish turi" qo'shimcha sifatida kiritildi. Maqsad, rejalashtirilgan mavzu masalan, "Ota-onam - suyangan tog'im" yuzasidan suhbat, kecha, konferentsiya uchrashuv, ekskursiya va hokazolar o'tkazish mumkin. Albatta, bu tadbirlarning barchasini bir o'quv yilida o'tkazib, sinf rahbarining tarbiyaviy ish rejasida bu mavzu har yili takrorlanib, bajarilish turi o'zgartirib boriladi. Sinf rahbari mehnatining unumli bo'lishida bu usul ancha samara beradi.

Adabiyotlar:

1. Samaridin Barakayevich Qorayev, Marjan Smatillayevna Janbayeva. (2021). BOSHLANG'ICH SINFLAR O'QISH DARSLARIDA SINFDAN

TASHQARI ISHLARNI TASHKIL ETISH. Academic research in educational sciences, 2(4).

2. Samaridin Barakayevich Qorayev, Sarvinoz Baxtiyorovna Allayorova. (2021). Boshlang'ich sinf o'quvchilarini pirls xalqaro baholash dasturi tizimiga tayyorlash jarayonini takomillashtirish masalalari. Academic research in educational sciences, 2(2).

3. Қораев, С.Б. (2018). Умумий ўрта таълим муассасаларида ўқув-ишлаб чиқариш мажмуаларини ташкил этишнинг долзарблиги. Таълим, фан ва инновация 4, 28-31.

4. M. Tilakova, S. Qoraev. (2020). RECOMMENDATIONS FOR STUDENTS'CREATIVE ABILITY DEVELOPMENT. Academic Research in Educational Sciences, 1(4), 184-189.

5. Мавжуда Тилакова, Самариддин Қораев, (2020). ЎҚУВЧИЛАР КРЕАТИВЛИК ҚОБИЛИЯТЛАРИНИ РИВОЖЛАНТИРИШ БЎЙИЧА ТАВСИЯЛАР. Academic research in educational sciences, 4.